



Broj: T18 0 KT 0019510 26
Datum 09.06.2026. godine

Optužnica potvrđena dana 11.06.2026. godine

Na osnovu člana 35. stav (2) tačka i) i člana 226. stav (1) Zakona o krivičnom postupku Brčko distrikta BiH, podižem:

OPTUŽNICU

Protiv:

M. R., rođen ...1970. godine u Prijedoru,

Što je :

Dana 30.04.2026. godine, u kratkom vremenskom periodu između 10:30 i 11:10 časova, u Brčko distriktu BiH, u ulici Bulevar mira br. 14, s ciljem pribavljanja protivpravne imovinske koristi, svjestan i u namjeri da oduzme tuđu stvar, a što je i htio, ušao u objekat JU „Četvrta osnovna škola“ Brčko distrikt BiH, nakon čega je iskoristivši nepažnju i odsustvo nastavnice J. M. iz učionice broj II-1 sa nastavničkog stola iz ženske torbe oduzeo kožni novčanik marke „Mona“, u kome se pored dokumenata i bankovne kartice nalazio novac u iznosu od 500,00 KM, 50,00 Eura i 20,00 USD, a zatim došao do učionice broj II-2 i iskoristivši nepažnju i odsustvo nastavnice A. M., pa sa nastavničkog stola, iz ženske torbe oduzeo kožni novčanik marke „Mona“, u kome se pored dokumenata i bankovne kartice nalazio novac u iznosu od 150,00 KM, nakon čega je napustio objekat i udaljio se u nepoznatom pravcu, čime je za sebe pribavio protivpravnu imovinsku korist u iznosu od oko 782 KM,

dakle, oduzeo tuđu stvar s ciljem pribavljanja protivpravne imovinske koristi,

čime bi, počinio produženo krivično djelo - Krađa - iz člana 280 stav (1) u vezi sa članom 55 Krivičnog zakona Brčko distriktka BiH,

**Ovom objavom ne prejudicira se ishod krivičnog postupka i ne narušava princip presumpcije nevinosti.
Svako se smatra nevinim dok se pravosnažnom presudom ne utvrdi njegova krivica.**
